




Broj: __/21
Gornji Vakuf – Uskoplje, __. __. 2021. godine



Klub vijećnika BH Blok

ZA OPĆINSKO VIJEĆE GORNJI VAKUF – USKOPLJE
n/r predsjedavaći OV-a
nadležne službe Općine

PREDMET: *Vijećnička inicijativa*

UVOD:

U skladu sa Poslovníkom općinskog vijeća Gornji Vakuf – Uskoplje, predlažem vijećničku inicijativu.

OPIS PROBLEMA:

Općina Gornji Vakuf – Uskoplje je općina sa visokom stopom nezaposlenosti. Pored navedenog, općina smo u kojoj svakim danom odlazi veliki broj stanovnika, a najžalosniji je podatak da su to radno-sposobni, perspektivni i obrazovani mladi kadrovi.

Stava sam da je jedan od najvećih razloga odlaska stanovništva iz naše općine, prvobitno navedeni problem, NEZAPOSLENOST.

PRIJEDLOG RJEŠENJA:

Kao rješenje gore navedenih problema i negativnog trenda naše općine, predlažem da se tokom 2021. godine omogući besplatna registracija obrta na području općine Gornji Vakuf – Uskoplje.



ZAKLJUČAK:

Uz dobru promociju i informisanost građana naše općine o ovom poduhvatu općinskog vijeća, smatram da će potaknuti mnoge mlade i ambiciozne osobe, poduzetnike i dr.

Time bi određeni dio populacije, koji će se oglasiti na ovu vrstu poduhvata, doprinjeo sebi, svojoj porodici, ali i razvoju privrede općine Gornji Vakuf - Uskoplje. Najvažnije, spriječili bi negativan trend odlaska mladih osoba van teritorijalnih granica naše općine.

Svjesni smo, motor razvoja uspješnih ekonomija su mala i srednja preduzeća, zašto ne bi i mi prepisali ovaj recept uspješnosti!?

Općina bi kratkoročno izgubila na administrativnim taksama, međutim dugoročno ćemo dobiti kroz poreze i otvaranje novih radnih mjesta.

Zato Vas molim, svakog pojedinačno, da podržite ovaj prijedlog za bolje nas, naše djece, ambijenta življenja i postojanja, i naših mladih koji trunu na Birou za zapošljavanje.

Gornji Vakuf – Uskoplje, 02.04.2021.godine



Klub vijećnika BH Blok



Ul. Vrbaska bb, tel ++ 30 494 068, faks: 494 101, e-mail: nacelnik@gornjivakuf-uskoplje.ba

Dana: 2.7.2021. god.
Broj: 02-30.2-SI/21



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINA GORNJI VAKUF-USKOPLJE
OPĆINSKO VIJEĆE

Općinsko Vijeće Općine Gornji Vakuf-Uskoplje
Gornji Vakuf-Uskoplje

DOKUMENTI: 05-07-2021		
ORG. JED.	BROJ	PRILOGA / V. BROJ
01-30.2	54/21	

Predmet: Odgovor na vijećničku inicijativu, vezano za problem nezaposlenosti,

U vezi sa Vašim dopisom, upućenom Općinskom vijeću općine Gornji Vakuf-Uskoplje, kao i nadležnim službama u općini, zavedenog pod brojem 01-30.2-54/21, od 7.4.2021. godine, u kojem predlažete rješenje problema nezaposlenosti u općini Gornji Vakuf-Uskoplje kroz omogućavanje besplatne registracije obrta u toku 2021. godine, želimo Vas obavijestiti sljedeće:

Ovime Vas podsjećamo da je Odluku o općinskim administrativnim pristojbama donijelo općinsko vijeće Gornji Vakuf-Uskoplje 21.12.2007. godine, (Službeni glasnik općine Gornji Vakuf-Uskoplje, br: 13/07) od 21.12.2007. godine, kojom je pod tarifnim brojem 9. određena visina pristojbe za prijavu obrta u visini od 50,00 KM, te za privremenu odjavu kao i izmjenu rješenja u visini od 25,00 KM, kao i pod tarifnim brojem 2. kojim je određena pristojba od 15,00 KM za trajnu odjavu registriranog obrta.


Također Vas podsjećamo da je općinsko Vijeće općine Gornji Vakuf-Uskoplje na svojoj redovitoj sjednici održanoj 4.7.2019. godine usvojilo izmjenjenu pomenute odluku u kojoj je stavka u kojoj se određuje visina pristojbe za rješenja kojima se odobrava zanatska djelatnost ostala u istom neizmjenjenom iznosu.

Na kraju, ne dijelimo Vaše mišljenje da bi oslobađanje od iznosa u visini 50 KM, tokom 2021 godine, koliko iznosi rješenje za registriranje obrta, znatno smanjio nezaposlenost na prostoru naše općine, te time direktno smanjio odlazak mladih sa ovih prostora, ali Vas ipak upućujemo da iskoristite svoje zastupničke mogućnosti te predložite općinskom Vijeću izmjenu Odluke o općinskim administrativnim pristojbama u dijelu koji određuje visinu pristojbe na rješenje za otvaranje zanatskih djelatnosti (gospodarskih i uslužnih).

Ispred Službe za gospodarstvo i financije
Nikola Milčić



Broj: __/21
Gornji Vakuf – Uskoplje, __. __. 2021. godine



Klub vijećnika SDP BiH Gornji Vakuf – Uskoplje

ZA OPĆINSKO VIJEĆE GORNJI VAKUF – USKOPLJE
n/r predsjedavači OV-a
nadležne službe Općine

PREDMET: *Vijećnička inicijativa*

UVOD:

U skladu sa Poslovníkom Općinskog vijeća Gornji Vakuf – Uskoplje, predlažem vijećničku inicijativu.

OPIS PROBLEMA:

MZ Bojska broji oko 522 stanovnika udaljeno je 19 km od Gornjeg Vakufa – Uskoplja, i 13 km od Bugojna, Voljice broji preko 1500 stanovnika, Pajić Polje sa Grnicom, Hrasnicom, Dražev Docem, Humac i Lužani broji preko 3000 stanovnika. Za starije osobe koje žive u udaljenim seoskim sredinama situacija u kojoj se nalazimo i način života na koji živimo predstavlja pogoršanje kvaliteta života i socijalne podrške, nedostatak zdravstvenih i socijalnih usluga, servisa i infrastrukture. Svakako jedna od najvažnijih usluga za starije osobe bilo gdje da žive jesu usluge zdravstvene zaštite. Starije osobe se prilikom zadovoljavanja potreba zdravstvene zaštite suočavaju sa različitim poteškoćama, a neke od barijera sa kojima se starije osobe u ruralnim sredinama, u ovom slučaju selu Bojska, Voljice, Pajić Polje i dr. suočavaju u pogledu brige za svoje zdravlje su: troškovi i druge poteškoće vezane za odlazak kod ljekara, nedostatak usluga pomoći u kući, nedovoljno razvijene usluge podrške starijima.

PRIJEDLOG RJEŠENJA:

Kao rješenje gore navedenih problema, predlažemo ispred Kluba Vijećnika SDP Gornji Vakuf-Uskoplje da se u 2021.godinu planira osposobljavanje i stavljanja u funkciju prostora za Ambulate u Mjesnim zajednicama Bojska , Voljice i Pajić Polje.

Mjesta na kojima bi mogla da bude otvorena ambulanta jeste prostor PŠ „Bojska“ mjesto Zukići MZ Bojska , OŠ Pajić Polje u Pajić Polju te stara prostorija ambulante u mjestu Gaj MZ Voljice, na kojima nije potrebno nekih velikih dodatnih ulaganja, ali je potrebno rekonstruisati objekte i stvoriti adekvatne uslove za rad. Uloga lokalne zajednice jeste da prepozna potrebu i interes za ovakav jedan projekat, za pripremu i otvaranje ambulante u ruralnom području, kao što je Bojska, Voljice i Pajić Polje a naše je da takvo nešto podržimo i pokušamo što više probuditi svijest onih koji su odgovorni da bi se ovakvo nešto ostvarilo.

ZAKLJUČAK:

Otvaranjem zdravstvene ambulante u pomenutim Mjesnim zajednicama stvorili bi se uslovi za širenje i unapređenje primarne zdravstvene zaštite na ovim područjima i to kroz povećanje učestalosti prisustva tima izabranog doktora, s tim da se to prisustvo uskladi sa potrebama nakon što se utvrdi koliko puta mjesečno je potreban dolazak doktora. Zdravstvena zaštita na seoskom području imperativ je Ministarstva zdravlja, tako da je potrebno, primjereno mogućnostima, unaprjeđivati zdravstvenu zaštitu stanovnika ruralnih područja i time poslati jasnu poruku onima koji žive na seoskom području, da će se odgovorno i predano raditi na stvaranju uslova za unapređenje kvaliteta njihovog života.

Gornji Vakuf – Uskoplje, 07.05, 2021.godine



Klub vijećnika SDP ~~BiH~~ Gornji Vakuf – Uskoplje

BH BLOK



Gornji Vakuf-Uskoplje
Bistrička cesta bb
Telefon: 030/265-502
Fax: 030/265-627
Račun br:3060240000272043
Kod Hypo Alpe Adria Bank
Id.br. 4236369990002
Poreski broj 09420604
Reg. Broj: 051-0-Reg-06-000 137
Općinski sud Travnik


JAVNA USTANOVA „DOM ZDRAVLJA GORNJI VAKUF-USKOPLJE“

Broj: 01- 342/21

Dana: 02.07.2021. godine

OPĆINA GORNJI VAKUF-USKOPLJE
Općinskom Vijeću

Vijećnička inicijativa , odgovor dostavlja se



PRIMLJENO: 05.07.2021			
ORG. JED.	BROJ	PRILOGA	VRIJED
01-342	1-53	21	

Vašim aktom broj: 01-04.1-53/21 od 01.07.2021.godine dostavili ste nam Inicijativu Kluba vijećnika BH Blok o potrebnom planiranju osposobljavanja i stavljanja u funkciju prostorija za područne ambulante u mjesnim zajednicama Bojska, Voljice i Pajić Polje.

U vezi navedene Inicijative dajemo sljedeći odgovor:

Članom 10. Statuta JU Dom zdravlja Gornji Vakuf-Uskoplje je definisano da se djelatnost Doma zdravlja obavlja u centralnoj zgradi, zgradi na adresi Paločki put i područnim ambulantom Privor, Pajić Polje i Voljice.

Ambulanta u Voljevcu (Privor) je aktivna i pruža zdravstvene usluge pacijentima. Programom rada za 2021.godine planirano je renoviranje i uređenje prostorija područne ambulante Voljice uz pomoć osnivača tj, općine Gornji Vakuf-Uskoplje. Kako Plan rada Doma zdravlja za 2021.godinu nije usvojen od strane Općinskog vijeća ova ambulanta neće biti stavljena u funkciju. Za otvaranje ambulante u Pajić Polju isto tako je potrebno iznaći potrebne prostorije i stvoriti ostale pretpostavke za rad a naročito : struja , voda ,toaletne prostorije i neophodna oprema. Za sve navedene aktivnosti nadležan je osnivač općina Gornji Vakuf-Uskoplje.

Dana 03.07.2020.godine na upit Amela Hajrić iz MZ Bojska Dom zdravlja je odgovorio da podržava osnivanje područne ambulante Bojska i da smo spremni opremiti prostorije sa potrebnim medicinskim pomagalicama i sredstvima nakon što općina kao osnivač uradi sve potrebne radove za otvaranje ambulante.

Za otvaranje ambulante u MZ Bojska također je potrebno izmjeniti odredbe Statuta JU Dom zdravlja i definisati postojanje i ove ambulante u kojoj će se obavljati djelatnost primarne zdravstvene zaštite.

S poštovanjem,



DIREKTOR
Prim.mr.sci.Ejub Zukić